

Dumonda Nicolay (Bever) concernent la planisaziun cuminaivla dals ospitals tras la Confederaziun ed ils chantuns

En la sessiun da stad dal Parlament svizzer ha in cusseglier naziunal inoltrà la moziun «Reducir ils custs e meglierar la qualitat. La planisaziun dals ospitals sto vegnir realisada cuminaivlamain da la Confederaziun e dals chantuns».

En quest connex vegn il Cussegl federal incumbensà «da midar las basas legalas e costituzionalas, per che la planisaziun dals ospitals vegnia fatga da nov tras la Confederaziun en stretga collavuraziun cun ils chantuns, e quai uschia ch'ils chantuns pon influenzar il meglier pussaivel las decisiuns. En quest connex duai la Confederaziun avair l'ultima cumpetenzza da decider. L'access ad in provediment da basa d'alta qualitat duai dentant restar garanti en tut las regiuns da la Svizra.»

Ina planisaziun regiunala lianta dals ospitals è stada ina da las pli impurtantas pretensiuns d'in rapport davart la reducziun dals custs en il sector da la sanadad, ch'ina grupp d'expertas e d'experts nominada da la Confederaziun aveva publicità l'onn 2017. Che questa recumandaziun vegnia realisada manglusamain, vegn oz apparentamain crititgà.

L'autur da questa moziun argumentescha ch'ina planisaziun cuminaivla dals ospitals tras la Confederaziun ed ils chantuns mantegnass las fermezzas dal sistem actual, en spezial l'integraziun da las particularitads e dals basegns locals tras ils chantuns. Las pretensiuns en questa moziun cuntradin da l'autra vart a las finamiras generalas da la Regenza grischuna concernent in provediment decentral da la sanadad en tut las regiuns dal chantun, perquai ch'ina pli gronda influenza da la Confederaziun resguardass strusch las circumstanzas regiunalas.

Las sutsegnadras ed ils sutsegnaders drizzan perquai las suandantas dumondas a la Regenza:

1. Co giuditgescha la Regenza ils giavischs e las finamiras da questa moziun?
2. Tge consequenzas avess l'acceptaziun da la moziun dal Cussegl naziunal per il provediment decentral da la sanadad en il chantun Grischun?
3. Tge fa la Regenza per defender ils interess dal Grischun en connex cun questa moziun?

Cuira, ils 23 d'october 2024

Nicolay (Bever), Holzinger-Loretz, Zanetti (Sent), Atanes, Bachmann, Bardill, Baselgia, Bavier, Beeli, Berthod, Bettinaglio, Biert, Binkert, Bischof, Bleuler-Jenny, Cahenzli-Philipp, Caluori, Candrian, Casutt, Collenberg, Cortesi, Degiacomi, Della Cà, Epp, Furger, Gansner, Gartmann-Albin, Heim, Hoch, Jochum, Kaiser, Kessler, Kreiliger, Lamprecht, Lehner, Loepfe, Mani, Mazzetta, Menghini-Inauen, Messmer-Blumer, Metzger, Morf, Müller, Pajic, Pfäffli, Preisig, Rettich, Righetti, Rusch Nigg, Rutishauser, Said Bucher, Saratz Cazin, Spagnolatti, Thür-Suter, Ulber (Lantsch), von Ballmoos, von Tschärner, Walser, Wieland, Wilhelm